



Broj: 06-05-21135/16
Sarajevo, 12.07.2016.god.

SKUPŠTINA KANTONA SARAJEVO
putem Stručne službe Vlade KS
-OVDJE-

PREDMET: Odgovor na inicijativu zastupnika Halilović Semira, dostavlja se;

Zastupnik Semir Halilović, na 17. Radnoj sjednici Skupštine Kantona Sarajevo, pokrenuo je inicijativu vezano za izgradnju stanova za pripadnike boračke populacije i to na način da se izdvoje sredstva iz budžeta, preusmjerenja, podizanja kredita ili sličan način:

Na inicijativu dajemo sljedeći

ODGOVOR

Članom 40. Zakona o dopunskim pravima boraca-branitelja Bosne i Hercegovine («Službene novine Kantona Sarajevo», br. 45/12-Prečišćeni tekst i 26/14) propisano je da pod uvjetom da nemaju riješeno stambeno pitanje, te da imaju prijavljeno prebivalište, odnosno boravište na području Kantona, a najkasnije do 06.02.1999. godine i dalje neprekidno, ratni vojni invalidi I grupe i ratni vojni invalidi koji su radno nesposobni po osnovu rane, povrede ili bolesti zadobijene za vrijeme službe u Oružanim snagama R BiH, kao i djeca šhida-poginulog borca-branitelja i umrlog ratnog vojnog invalida, koja su bez oba roditelja, roditelji šhida-poginulog borca-branitelja kao i nezaposlene supruge šhida-poginulog borca-branitelja koje ostvaruju pravo na porodičnu invalidninu, imaju pravo na odgovarajući stan.

Na dan 12.07.2016.godine na listama lica koja ispunjavaju uvjete za rješavanje stambenog pitanja dodjelom **stana u vlasništvo** se nalazi:

- 47 ratnih vojnih invalida, 40 roditelja, 4 djece i 177 supruge šhida-poginulih boraca-branitelja (ukupno 268)

- ukupna potrebna stambena površina za dodjelu stana u vlasništvo jeste 13960 m².

Na listi osoba koje su se izjasnile da žele stambeno pitanje riješiti dodjelom **stana na korištenje** su:

- 7 ratnih vojnih invalida, 2 roditelja, 2 djece i 7 supruge šhida-poginulih boraca-branitelja (ukupno 18)

- ukupna potrebna stambena površina za dodjelu stana na korištenje jeste 840 m².





Planiranim sredstvima u tekućoj budžetskoj godini koja iznose od 1.201.000 KM može se riješiti cca 15 osoba-porodica sa liste koji ispunjavaju uvjete za rješavanje stambenog pitanja dodjelom stana u vlasništvo.

Za nabavku stanova koji bi se dodijelili na korištenje izdvojeno je 200.000 KM (300.000 KM) i mogu se sa tim sredstvima riješiti cca 5 osoba-porodica.

S poštovanjem,

Obradili
Azra Zejnilagić
Velid Imamović



Dostavljeno:

1. naslovu 2X
2. evidencija
3. a/a

